

SCRIPTA

Numéro Scripta : 3625

Auteur(s) : Louis IX, France (roi)

Bénéficiaire(s) : Bus-Saint-Rémy, Notre-Dame-du-Trésor (abbaye)

Genre d'acte : charte

Authenticité : non suspect

Datation : 1261, juin

Lieu d'émission : Vernon

Action juridique : autre

Langue du texte : latin

Analyse

En se rappelant d'avoir permis par sa charte aux religieuses du Trésor Notre-Dame de posséder, jusqu'à la valeur annuelle de 100 livres, tous les revenus qu'elles puissent acquérir par donation, achat ou d'autre moyen, Louis [IX], roi de France, leur concède les revenus supplémentaires de la valeur annuel de 12 livres.

Tableau de la tradition

Éditions principales

a. Delisle Léopold, *Cartulaire normand de Philippe-Auguste, Louis VIII, Saint-Louis et Philippe le Hardi*, Caen, Hardel (MSAN ; 16, 2e série, 6, p. 160-390), 1852, n° 668, p. 138.

Texte établi d'après a

Ludovicus, Dei gratia, Francorum rex. Notum facimus universis, tam presentibus quam futuris, quod, cum nos monialibus de Thesauro Nostre Domine, Cisterciensis ordinis, dudum per quandam cartam nostram concessissemus, ut ipse quecunque usque ad valorem centum librarum anni redditus, de feodo nostro, sive dominio, sive censu, in quibuscumque possessionibus vel rebus, titulo donacionis sive empacionis vel alio quoconque modo, ex elemosinis, a quibuscumque personis acquirere possent, in manu mortua tenerent et possiderent im perpetuum, hoc excepto quod non possent acquirere in civitatibus et castris nostris, nisi unam domum vel duas ad usus suos in qualibet civitate vel castro ; eedemque moniales, sicut ex parte ipsarum nobis extitit intimatum, post dictam concessionem, de feodo nostro seu dominio sive censu, in possessionibus et rebus aliis, acquisissent usque ad valorem centum librarum anni redditus, necnon et post modum ultra summam dictarum centum librarum usque ad valorem duodecim librarum anni redditus, nos, divini amoris intuitu et pro remedio anime nostre ac animarum inclite recordacionis regis Ludovici, genitoris nostri, et regine Blanche, genitricis nostre, ac aliorum antecessorum nostro[rum], eisdem monialibus, tam possessiones et res quas per dictam concessionem centum librarum anni redditus acquirendarum, ut dictum est, quam possessiones et res quas post modum usque ad valorem duodecim [librarum] anni redditus, de feodo nostro seu dominio sive censu, aliquo supradictorum modo, secundum tenorem supradicte concessionis, juste ac racionabiliter acquisierunt et hactenus pacifice possederunt, in manu mortua im perpetuum tenendas et possidendas concedimus, et auctoritate regia confirmamus, salvo jure in omnibus alieno, et salvis censibus et justiciis, redditibus et aliis redibencii, quos vel quas in predictis habemus. Quod ut ratum et stabile permaneat in futurum, presentes litteras sigilli nostri fecimus impressione muniri. Actum apud Vernonem anno Domini M° CC° LXmo. primo, mense junio.